



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj:07-4-50-4-791-9/20
Datum: 26.01.2021

Na osnovu člana 61. stav (2) Zakona o upravi („Službeni glasnik BiH“, broj 32/02, 102/09 i 72/17), člana 70. stav (1), (4) i (6), a u skladu sa članom 69. stav (2) tačka d) Zakona o javnim nabavkama Bosne i Hercegovine („Službeni glasnik BiH“, broj 39/14), na preporuku Komisije za javnu nabavku laboratorijskih usluga za analizu službenih uzoraka u skladu sa zahtjevima EU, za analizu rezidua veterinarskih lijekova i kontaminanata, mikrobioloških kriterija u hrani životinjskog porijekla i hrani za životinje imenovane Rješenjem broj: 07-4-50-4-791-4/20 od 14.10.2020. godine, direktor Kancelarije za veterinarstvo Bosne i Hercegovine, donosi

ODLUKU
o poništenju postupka javne nabavke

Član 1.

Poništava se postupak javne nabavke laboratorijskih usluga za analizu službenih uzoraka u skladu sa zahtjevima EU, za analizu rezidua veterinarskih lijekova i kontaminanata, mikrobioloških kriterija u hrani životinjskog porijekla i hrani za životinje, i to **lot 7 – Antibiotici – uvozne pošiljke**, iz razloga što za predmetni lot nijedna od primljenih ponuda nije prihvatljiva.

Član 2.

Ova Odluka će biti objavljena na internet stranici Kancelarije za veterinarstvo Bosne i Hercegovine u skladu sa članom 70. stav (6) Zakona o javnim nabavkama Bosne i Hercegovine.

Član 3.

Uz ovu Odluku ponuđačima koji su učestvovali u postupku javne nabavke izvršiće se i dostavljanje Zapisnika o pregledu i ocjeni ponuda u skladu sa članom 71. stav (2) Zakona o javnim nabavkama Bosne i Hercegovine.

Član 4.

Za realizaciju ove Odluke zadužuje se Komisija imenovana Rješenjem broj: 07-4-50-4-791-4/20 od 14.10.2020. godine.

Član 5.

Ova Odluka stupa na snagu danom donošenja.

Образложење

Komisija za sprovođenje postupka javne nabavke laboratorijskih usluga za analizu službenih uzoraka u skladu sa zahtjevima EU, za analizu rezidua veterinarskih lijekova i kontaminanata, mikrobioloških kriterija u hrani životinjskog porijekla i hrani za životinje, imenovane Rješenjem broj: 07-4-50-4-791-4/20 od 14.10.2020. godine, provela je otvoreni postupak uz objavu obavještenja broj: 956-1-2-17-3-14/20 na Portalu javnih nabavki.


Nakon otvaranja ponuda, Komisija je izvršila procjenu ponuda u skladu sa uslovima traženim za dostavu ponuda u okviru otvorenog postupka, pri čemu je utvrđeno da ponude ponuđača **JU Veterinarski zavod Bihać, Euro inspekt, Sarajevo i JU Veterinarski institut RS „Dr. Vaso Butozan“ Banja Luka**, koje se odnose na **lot 7 – Antibiotici – uvozne pošiljke**, nisu prihvatljiva jer ne ispunjavaju uslove tražene tehničkim specifikacijama. Tehničkim specifikacijama za vrstu proizvoda meso (goveda, svinja, peradi) i med tražene su rezidue antibiotika jednom od referentnih metoda ELISA/PREMI/Metoda 6 ploča/LC-MS/MS. Ponuđač **JU Veterinarski institut RS „Dr. Vaso Butozan“ Banja Luka** može vršiti ispitivanje pomoću jedne od navedenih metoda (6 ploča za meso (goveda, svinja, peradi)), dok nema dokaza da može izvršiti ispitivanje antibiotika u medu. **Ponuđač Euro inspekt, Sarajevo** nema dokaza za ispitivanje antibiotika ni u jednom od traženih supstrata, a ponuđač **JU Veterinarski zavod Bihać** može vršiti ispitivanje rezidua beta laktama u mesu (goveda, svinja, peradi) pomoću Interne metode RMR-01, a nema dokaza za ispitivanje antibiotika u medu.

Iz svega navedenog Komisija je ponude ponuđača **JU Veterinarski zavod Bihać, Euro inspekt, Sarajevo i JU Veterinarski institut RS „Dr. Vaso Butozan“ Banja Luka**, za **lot 7 – Antibiotici – uvozne pošiljke**, ocjenila kao neprihvatljive, te iste nisu uzete u dalje razmatranje.

Cijeneći naprijed navedeno činjenično stanje, a postupajući u skladu sa članom 69. stav (2) tačka d) Zakona o javnim nabavkama Bosne i Hercegovine, riješeno je kao u dispozitivu ove Odluke.

Protiv ove Odluke može se izjaviti žalba Kancelariji za razmatranje žalbi u roku od 10 (deset) dana od dana prijema ove Odluke.

Žalba se predaje putem Kancelarije za veterinarstvo Bosne i Hercegovine.



DIREKTOR

Jubomir Kalaba

Dostaviti:

- ponuđačima 3x;
- u spis.